



刑法

西藏相沿番例三本計四十一條所載刑法甚

酷大詔旁有黑房數間拘繫罪人犯法者不論

罪之輕重皆禁於內用繩縛四肢以待援法如

爭鬪死者將屍棄水殺人者罰銀錢入公庫給

屍親念經或牛羊若干無銀則縛水中籍沒其

家其搶奪劫殺者不分首從皆擬死或縛於柱

上施以鎗箭較射飲酒死則斫頭懸示或送狝

上卷
三十一
偷野人食之或活縛送曲水蝎子洞令螫之若
攫人財物則將其家監禁倍數追比追完則將
盜者抉目劓鼻或去其手足凡犯重罪先以繩
縛之撻以皮鞭復浸於水逾時再撻如是者三
然後詢其辭如諱則以沸油澆其胸利刃裂其
肉倘再固諱則縛坐水中分其髮以繩左右牽
之用白布蒙面澆以水或於指甲內以利油簽
刺之若無辭可質然後釋其受酷刑而死棄屍
水中至尋常爭鬪求理則罰銀犯而不告各手
罰無銀則以長棍責釋若犯姦止罰銀錢量其
貧富亦或責釋但犯法無男女皆於市中裸衣
責之近亦有枷號者其刑法慘酷殆未之聞

賦役

西藏稅賦隨其出產或牛羊氍草青稞璣璣等物或馬牛酥油牲畜金銀銅鐵諸物皆隨所產上納設有公所名商上凡所納賦稅及問罰罪人銀錢存備公用並喇嘛念經之費至於土民之服役者名烏拉凡有業之人勿論男女皆與其選即由他處遠來者但能置烟灶租房而居者亦然多寡各量其貧富其頭目碟巴皆派用

烏拉照所居屋之大小量定應需數或三四名
或十數名照數輪派烏拉應役無人則雇窮民
代之或每日每名納銀五分年過六十者免之
遇要差則派牛馬驢騾富者應出若干貧者三
四人公攤一匹截地產馬少志由霍爾一帶及
青海等處來者價頗昂即中產一匹亦須銀十
七八兩至二十兩不等

徵調

西藏其先文書俱鈐紅色小圖記番人用唐古
忒字蒙古用蒙古字自噶布倫以下皆用黑色
圖記雍正九年

持頒給印信始知用印如徵調兵馬近則頭目戴綳催
集遠則文信傳調一遇緊急軍情則用傳旂以
箭一枝縛白哈達一個寫由飛遞傳催依限而
到無敢悞凡遇大小事務每日噶布倫碟巴中

科爾戴綳等齊集大詔內白菓廊公議票諸駐
藏大臣及達賴喇嘛而行

頭目

西藏委用頭人由駐藏大臣達賴喇嘛選擇亦
取才品及家道殷實者設噶布倫四人分轄藏
地設高爵一名察核地方諸務倉儲巴數名專
司錢糧浪子沙數名分理刑名並供給差役中
科爾數名在大詔司文書票簽截記事紀綱數
名主持計算其中科紀綱半多世職凡放大小
磔巴皆於此等人中選用至於出使頭人稱谷

操傳事頭人稱若尼爾管理家計頭人稱業爾
巴聽役頭人稱乃興巴其各地大頭人稱碟巴
次稱熱熬稱十布凡統領兵馬之官有五總統
之大頭人稱戴綳其次稱甲綳管兵二百名次
稱如綳管兵一百名稱賴綳管兵四十五名稱
局綳管兵十名又有小頭人稱郭度以上所委
之碟巴頭人即徵收所轄其地之錢糧以自贍

衛藏圖識

識畧上卷

諺云百里不同風千里不同俗蓋土地有寒暖
燥濕斯風氣有遲速剛柔其勢然也况西域遠
在萬里之外其不同又有甚焉者乎然衣冠之
制飲食之宜慶弔之禮要皆原於喜怒哀樂之
性情以形為風俗而因地適宜則房舍異其制
蓋風俗難齊正不能強之盡衷於一所謂修其

教不易其俗齊其政不易其宜亦以見
聖人生成之量不忘於遠也

衣冠

西藏達賴喇嘛班禪額爾德尼久帽以氍毹羊
毳製成其式上尖下大色尚黃夏帽若笠純金
以皮為之內衣氍毹半臂外衣紫羊毳偏單以
帛交縛於上著錦鞞或皮履腰束帛如帶春冬
皆露半臂餘喇嘛服飾亦相似所屬噶布倫戴
綳碟巴等髮不束不綰披肩後戴平頂絨段
狽各帽綴短纓或覆獺皮於頂手持念珠束皮

鞞帶遇令節或公事噶布倫兩分其髮於頂左
右縮一髻著蟒段或璽璽細段褚巴磔巴亦將
髮縮成一髻戴無翅白紗帽即唐進士中遺制左耳垂
金鑲綠松石墜大如桃其形似鳥喙名瓊瑤右
耳垂珊瑚墜用大珊瑚兩顆上下金鑲名工工
自著大領窄袖綠錦短衣緣以獺皮袖口用五
色線相接前鑲獺皮下著黑褐百摺裙名郭在
足著白軟底皮鞞披紅褐偏單佩刀束大紅花

段帶自噶布倫下至番民手俱帶骨瑛番民著
大領無袂褚巴或璽璽細毯視其貧富為之而
所戴之帽亦然或戴白帽腰束皮或毛褐帶佩
小刀順刀梳袋火鑪等物懷木梳其棍於襠內
開衩腰兩旁亦開衩襍積腰間婦女服飾頭髮
從頂分兩旁束如繩互交腦後以細為佳女未
嫁腦後另分一辮若受聘則將聘定之色霞戴
頂上嫁則不復辮髮矣居常戴紅綠絨絨尖頂

小帽脚履康著卍字黑紅褐裙名東波前者或
紅褐或各色紬段圍裙鑲錦花邊名斑帶上著
小袖短衣齊腰名文肘或綾段紬布毛褐為之
外披絨絨小方單如衲子袈裟名織手帶銀鑲
珊瑚戒指名慈姑左手帶銀釧名則籠右手帶
硨磲圈寬約二寸名同繩乃幼時所帶必磨斷
乃已以為死後不迷路耳帶金銀鑲綠松石墜
長寸餘寬七八分後有小鈎穿於耳名額哥上

連珍珠珊瑚串綴以銀鈎掛髮一名吞達下連
珍珠珊瑚串長六七寸垂兩肩名重雜貴賤皆
項掛念珠一二串自珊瑚青金硨磲至木珠不
等富者帶蜜臘珠有大如盞者又帶銀盒名阿
務內裝護身佛及子母藥胸前必掛銀鑲珠石
環長約有三四寸寬寸餘兩頭有鈎凡披方單
自兩肩以其環扣著於胸名滴溜富則戴珍珠
帽以木作胎如笠而厚裏以硃紅漆之外以金

鑲綠松石為頂胎之周遭皆密綴珍珠價有值
千金者老年婦人以金鑲綠松石一片如鏡戴
於額上名白玉凡帶白玉者親友必往賀凡婦
女見喇嘛俱用紅糖或兔茶塗其腮否則謂呈
妍迷惑僧人罰不宥其家居亦習用之此其服
飾之大槩也

飲食

西藏番民多食糌粑牛羊肉奶子奶渣等物其
性燥而茶所急需故不拘貴賤飲食皆以茶為
主其茶熬極紅入酥油並攪之飲茶食糌粑或
肉米粥名土巴湯至牛羊肉多生食而食不拘
時以饑為度食少而頻男女老少多手掬而飲
食之或用木碗食已以舌舐之納於懷飲蜜酒
乃青稞所釀淡而微酸名噶亦有青稞燒酒醉

後男女相携沿街笑唱為樂其宴會之禮主人
上坐客至不迎送在主人上者始讓之酒尊以
酥油塞口為敬富者每月二三次貧者月亦必
一次宴有東杏葡萄牛羊肉亦各如其貧富以
為禮

禮儀

西藏自噶布倫戴綳碟巴以下至番民見達賴
喇嘛班禪佛皆卸帽合掌伸舌頂禮者三復垂
手鞠躬聚足屏息至法座前達賴班禪以手摩
其頂謂之討捨手凡進見必遞哈達一枝如中
華投刺然若係平交則彼此交換為禮即書信
中亦必置一哈達以示敬若路遇則卸帽垂手
側立噶布倫以下見駐藏大臣及文武漢富與

番民見噶布倫碟巴戴紉之禮亦如之

婚媾

西藏婚媾夫婦亦擇女婿取門戶男以識字者
佳女以善貿易識物價理家務為善亦通某約
惟富庶碟巴家有之餘多苟合其納采問名則
男家以哈達託一二親友云我有男願與某家
女聯姻其媒持哈達至女家云某家有男欲求
汝女為婦如彼此相樂則云我當擇日來是日
女家遍招親友以俟之其媒携男家酒並哈達

至述其子弟行止年歲女家父母親友喜見則
飲其酒各受哈達媒人并將往聘之金鑲綠松
石戴於女首名色賈仍以茶葉衣服金銀牛羊
肉若干為聘馬女家亦以禮答之如不允則男
家之酒不飲哈達亦不受也至迎娶時男女家
必先延客客亦各以衣裙等物助奩父母陪嫁
田土牛羊衣飾至期不用車馬女家於門外搭
棚內以三五方坐褥高鋪於中以麥子撒為花

扶女坐於上父母旁坐親友雁行坐用小几桌
列菓食糖果各食物數盤以茶酒米粥與女食
畢二家親友扶女步行遠則乘馬親友各將青
稞麥撒其女女家則將蒙子哈達結一處贈散
親友送至男家各不行禮扶女與婿坐飲以茶
酒逾刻始分坐親友各將哈達與男女長者戴
於項平交置於懷或堆積坐前親友飲食畢各
携菓肉而回至次日男女父母及親友俱華服

項戴哈達擁新婿新婦遠街遊凡至親友門不
延入惟以茶酒飲之飲酒則團團携手男女踈
坐而歌如是三日乃止其俗女強男弱遇羗徭
輒派及婦人故一家弟兄三四人或娶一妻如
生子女兄弟擇而分之其婦人能合三四弟兄
同居者人皆稱美以其能於治家凡貿易多屬
婦人如種田禾紡毛線織毳子供烏拉皆笑其
無能不以淫亂為恥如有外交則明告其夫曰
某為我之英獨其夫怡然而夫婦悅則相守及
目即自擇所欲而適焉其子育子女不洗浴初
生時其母以舌舐之至三日以酥油塗其遍身
曝日中數日即以炒麩調湯灌之多不與乳食
稍長男子教書算或習一技女則教識戩秤習
貿易紡毛線織璫璣不習女紅不拘閨訓而生
育以女為幸風俗信重喇嘛子女多有為僧尼
者或云免外番多丁之道其亦有所由來歟

喪葬

西藏凡人死均用繩縛令膝嘴相連兩手交插
腿中以平日所著舊衣裹之盛以草袋男女羅
哭復用繩繫屍於梁延喇嘛誦經量其貧富以
酥油送大小詔供佛前點燈之用並將死者所
有物以半為布施布達拉以半為延請喇嘛念
經並熬茶及一應施舍之費即父子夫婦亦不
私蓄一物其屍數日後負送剮人場縛於柱碎

剖其肉喂犬為地葬其骨以石臼搗成粉和炒
麩搓團亦喂犬或餉諸鷹謂之天葬以為大幸
剮人之人亦有碟巴管約每剖一屍須費銀錢
數十枚無錢則水葬棄屍於水以為不幸喇嘛
死其尸皆以火化築塔凡人死親友吊唁窮者
助以銀錢富者以哈達慰問並送茶酒其孝服
男女百日不著華服不梳不沐婦人去耳墜念
珠而已他無所忌富者時請喇嘛念經以奠冥
福至一年乃止大槩其俗重壯輕老惡病終以
戰歿為甲第

房舍

西藏亦多碉樓間有平房中稍大者其堂必刻
楠雕楹備極煊爛番民鄉居則傍山坡以便樵
汲其部落多黑帳房拉擦中房舍頗寬敞有大
可容數百人者如大詔寺內設銅鍋一口盛水
至百餘擔以供念佛熬茶之用此其驗也其平
地無隘之官舍曰噶傍山碉房曰縱則其磔巴
頭人據險之所

衛藏圖識

識略上卷

王字紫書技進乎道靈著神蔡理可通元則醫
以已疾卜以決疑二者之利用於天下審矣雖
衛藏之業斯二者其師承未能盡悉而考其療
疾之法亦不純用刀圭至於卜筮則有如北戶
錄所載虎卜牛蹄卜灼骨卜鳥卜之類亦奇矣
哉可知方術流傳之廣不以人地限也并詳錄

之以資多識

醫曹藥

西藏醫曹名厄木氣其藥與中國異產自藏地或
購自西洋不炮製間用丸散遇病亦先診視而
後用藥其診脈以左手執病者之右手右手執
病者之左手一時並診疾重始然若小疾則以
酥油遍體擦之曝於日中遇陰晦則以絨單覆
病者以柏葉燒烟薰之然不論病之輕重必延
喇嘛念經或朱巴念誦祈禳朱巴即道士之類

或令童男女唱佛歌以祛之

卜筮

西戲占卜之術不一或有喇嘛以紙畫八卦書
番字而占者亦有以青稞排卦抽五色毛索而
占者或數念珠而占者或畫地而占者或燒羊
骨或驗水碗其占卜之術不一頗有奇驗亦視
所學之精淺婦人亦有通其術者又有筮遇事
輒翻檢其經以告占者吉凶俱詳註經上其辭
義與中國神筮相類

識略上卷

日中為市黃帝以來蓋已有之僻在窮壤寧廢
其制惟是五都之市菽粟布帛日陳闐闐而珠
璣寶玉則良賈深藏未聞列肆而沽相載堆積
喧買求售也若西域之市可謂奇觀且其制市
之法懸朴執鞭譏禁惟謹有周官司稽遺意至
於工能聚器雕鏤之奇巧奪天工洵殊方絕技

也

市肆

西藏貿易用銀錢每枚重一錢五分上有番字
花紋亦以銀易錢而用所市有藏繭羊絨氍毹
璫璣藏香藏布及食物如葡萄核桃等物辨產
藏番男婦皆賣但不設闕闕惟席地貨之至紬
段綾錦皆販自內地其貿易經營婦女尤多而
縫紉則專屬男子外番商賈有纏頭回民販賣
珠寶白布回民賣璫璣藏錦卡契段布皆販自

布魯克巴巴勒布天竺等處有歪物子專販牛
黃阿魏市中設碟巴一人平價值禁爭訟即外
番至歲貿易者亦必有頭人同來譏禁

工匠

西藏木石工匠俱極精巧凡金銀銅錫累然穿
珠作器皿及婦女首飾皆與中國同而雕鏤玲
瓏人物花卉無不象形維肖

西藏木石工匠俱極

衛藏圖識

圖考下卷

拉里之西千餘里曰衛

即前藏

天文亦井鬼分野

古分其地為三曰康曰衛曰藏康為喀木屬即

今之昌都衛即危為西藏拉撒詔藏則扎什倫

布部落也詔土地平行南北袤長四十里東西

延廣四五百里東接川滇西北聯青海北抵河

湟西界西海南通達噶斯萬山拱秀百水環流

圖考



此部分應為圖考卷下

為西方極盛之域建佛寺於布達拉山上乃達
賴喇嘛坐床所飛碧流丹麗色奪目四隅建別
蚌色拉甘丹桑窩四大寺環列相向其間樓殿
街市井井可觀番語稱為拉撒達賴世主之舊
有城郭康熙六十年定西將軍策望諾爾布毀
之改築石堤自朗路山脚起至招拉筆洞止約
三十里內圍布達拉外遏恒河番民稱為神堤
每歲正月聚各寺僧衆於大詔內諷經負土石

增砌之喇嘛終年惟此一役俗皆遵奉黃教敬
信喇嘛如達賴喇嘛班禪額爾德尼其最著者
也他不迷性之胡圖克圖忽必爾罕人人頂禮
所在皆有而前藏尊奉達賴喇嘛為尤甚俗傳
唐公主所嫁之蘇隆藏千布為觀音大士分體
之光化生雖在輪迴不昧前因後轉生數世皆
號達賴喇嘛其教以靜修為宗以慈愛為本質
淳意遠淵默如神或時一露其前知然雅不以

此見奇也他如一切吞刀吐火之術其徒有為之者輒貶為下乘故人皆敬禮之稱為活佛自太宗文皇帝崇德七年約歲通貢表後順治中第五輩達賴喇嘛入覲

世祖章皇帝

特勅賜冊印封為統領西天佛教普覺幹濟達賴喇嘛時蒙古佔什汗以兵滅藏巴汗遂有藏地傳其子達彥汗孫達賴汗皆敬附中國後第巴三節謀亂佔什汗曾孫拉藏誅之遣使入告蒙

聖祖仁皇帝

命嗣為汗而達賴喇嘛又化生於裡塘名曰噶爾藏嘉慕即云忽必爾罕也生二年青海蒙古迎至西寧塔爾寺坐床適準噶爾送賊策旺阿拉布坦生譽遣其賊將車零敦多布領兵至藏攻殺拉藏汗擄其子蘓爾扎名為興教而實滅之藏民籲吏上請

特遣將軍額倫多等統兵援之賊兵北欲遁有賊僧黑喇嘛蒞中煽惑賊衆復逞螳臂抗我戎行

聖祖仁皇帝赫然震怒爰

命撫遠大將軍王統帥六師大伸撻伐即將塔爾寺之

噶爾藏嘉慕

恩錫以達賴喇嘛名號給與印冊遣平逆將軍延信率兵護送自西寧出口進征誅黑喇嘛及偽藏王達格咱等底定西藏送達賴喇嘛座床於布達

拉奉

諭旨封承教度生達賴喇嘛以西藏土地人民

特賜之時康熙五十九年九月十五日也並

勅封拉藏汗舊臣康濟鼐阿爾布巴隆布鼐頗羅鼐及

達賴喇嘛之倉儲巴札爾鼐等五人貝子貝勒

台吉噶隆有差分守藏地雍正元年復奉

旨勅封達賴喇嘛為西天大善自在佛五年阿爾布巴

隆布鼐札爾鼐謀殺貝勒康濟鼐背逆不軌

世宗憲皇帝遣左都御史查郎阿等分路進討兵未抵
藏時台吉頗羅鼐守後藏糾扎什倫布之衆至
詔地擒為亂者阿爾布巴等恭候

王師至藏

奏其叛逆誅阿爾布巴隆布鼐札爾鼐藏地復安

遂降

旨勅封頗羅鼐為貝子總管西藏事留重兵守藏地并
於附近爐城之噶達地方建惠遠廟移達賴喇


嘛居之十一年修扎什城十三年準噶爾木降
復

命送達賴喇嘛于布達拉坐床乾隆四年

勅封頗羅鼐為郡王領藏事如故後頗羅鼐率其次
子朱爾墨特那木札爾鼐封於乾隆十五年謀
逆伏誅奉

旨除西藏王爵凡衛藏事皆

命駐藏大臣與達賴喇嘛相協裁決於是藏地綏定



圖考

七

拉撒譯言佛地也群山朝拱碧水環流阡陌腴
饒經塗平行其西突起布達拉一山梵書云普
陀山有三有達拉其一也奇峯聳翠飛閣流丹
靈秀所鍾遂成勝境而峯巒相向則有招拉華
洞為之輔山前浮圖崑峙山後湖水清漪稍北
為祿康插木中建水閣登覽者濟以舟風景絕
佳由詔而上布達拉有琉璃橋橋下水勢浩瀚
曰噶爾招木倫江江即藏部民夾岸而居具豐樂

之象江水澄澈有綠松石翠色欲滴頂若盤盂
洶沉掘石則身大於象非比他河所出小石易
取適玩也山之東五里許有大詔寺金碧璀璨
與之毘連者曰小詔山之南七里許至札什城
漢兵居焉其色拉別蚌桑鳶甘丹諸大寺或近
効其靈或遠挹其秀而又有宗角卡契園經園
諸勝錯綜其間為達賴喇嘛往來遊憩地春冬
桃柳松柏相映自然梵舍花宮不亞中土洵西

方樂國也

方樂國也
藏
里
圖

藏
里
圖

藏
里
圖

藏
里
圖



星出
平出

西藏至登龍岡尖

登龍岡至業党宿

西藏路平坦四十里過大橋至登龍岡有房舍
順河而行途亦平易又四十里至業党有塘鋪
房舍有磔巴供給柴草計程八十里

業党至僵里尖

僵里至曲水宿

業党亦順河行經崖塌三亦不甚險阻四十里

至僵里又五十里從阡陌行河流委折至曲水
有蝎子洞如犯死罪者活縛至洞令食之沃野平原綿亘百里有房舍柴草有磔巴給後焉計程九十里

曲水至岡把擇尖

岡把擇至白地宿

曲水十五里至鐵索橋江勢浩翰最險渡以木船遇河三十五里至岡把擇有房舍柴草又過大山危峰巖業上下四十里過殺馬隴柴草稀

少路經平地五十里至白地有塘鋪柴草計程一百四十里

白地至撻魯尖

撻魯至噶浪子宿

白地三十五里過葉賽十五里至撻魯有房舍柴草有岐路一由江孜一由然巴然巴春夏為商販所必經至冬則雪凌多阻滯且翁古一帶村落廣糧食戊申西征之後已改由噶浪子取

道今因之五十五里至噶浪子路皆平坦有磔
巴人戶計程一百五里

噶浪子至翁古尖

翁古至熱隆宿

噶浪子路平五十五里至翁古有磔巴人戶過
山六十五里至熱隆有磔巴人戶路亦平坦
左手分路通布魯克巴計程一百二十里
熱隆至谷洗尖

谷洗至江孜宿

熱隆至谷洗七十里谷洗至江孜七十里江孜
亦要隘也二處均有磔巴人戶柴草所出則江
孜較多路俱平坦計程一百四十里

江孜至人進岡尖

人進岡至巴浪宿

人進岡距江孜五十五里巴浪距人進岡六十
里有磔巴人戶柴草行者可尖可宿計程一百

十五里

巴浪至春堆尖

春堆至扎什倫布宿

巴浪迤邐而進過大橋路坦七十里至春堆有

磔巴人戶過此四十里即扎什倫布

一名扎什隆布即後

藏班禪額爾德尼坐床處也計程一百十里

自前藏至後藏九百里

衛藏圖識

圖考下卷

由大詔而南行八日為後藏地曰扎什倫布建

仍仲寧翁結巴寺山川靈竒土宜饒美為班禪

額爾德尼坐床之所寺甚雄麗佛像皆七寶莊

嚴聲徹仙梵香生苾芻著閣鸞嶺不是過也後

藏人敬禮班禪佛與前藏奉達賴喇嘛等相傳

班禪乃金剛化身亦轉生十餘世修淨業精戒

律貫穿經典屏除聲聞凡喇嘛學經成者必於
班禪所受戒若付以正法眼藏也或達賴圓寂
後再降生班禪則為之誨解上乘法俾叅大道
達賴之於班禪亦然蓋互相傳授扶持黃教云
我

太宗文皇帝之崇德七年班禪謂東土有
聖人出偕達賴遣使越四萬里來朝約行善事
太宗文皇帝嘉納之

國朝定鼎後頻遣使熬茶康熙五十三年
勅封為班禪額爾德尼乾隆庚子歲班禪朝

京師

皇上與其慕義

賞賚便蕃旋化去降生番部復迎回扎什倫布坐
床年今十一矣傳者謂其純穆聰敏番人瞻仰
之生敬慕焉由扎什倫布抵聶拉木蓋三千里
接賊番廓爾喀界亦皆尊信班禪

王師所向殲滅奚難佇見窮荒遐壤長依佛境法輪而在

先天化日之下當必更有奇蹟異行為山經水注所未備鴻荒開闢所未聞者謹濡毫以俟

